

1 Zuwã

Īsazei'wa norĩ ma, Zuwã te te ĩrob'ui'ééré na'rata zé

Ībaihã wasu'uzé

Ā ĩbaihã na rob'ui'ééré hã Zuwã hã ãma sisisi õ di. Tane nherẽ, ĩsãna'rata hawim na hã dama waihu'u pese za'ra di, ĩsimi'ui'ééré na hã. Zuwã hã ma tô wama waihu'u za'ra tinhimi'ui'ééré na hã, 're wasisawi pese za'ra mono da, 'Re ĩhãimana u'âsi mono te te 're ĩwa'azawi pese mono ne. Duré rowa'a na si 're wanomro mono da, ma tô wama waihu'u za'ra, wawasédé hã wa te 're 'manharĩ za'ra mono ãna.

Zezu Cristu ĩsi'a'uwězé wasu'u

1 ¹ Wa hã Zuwã, wa za oto aima ãma rob'ui'ééré za'ra wa'wa, Wanhib'apito zazei'wa, 're ĩaihãimana za'ra wa'aba mono norĩ ma. Duréihã marĩ õ uptabi ré, 're ĩhãimana mono ãma, wa za aima ãma rob'ui'ééré za'ra wa'wa. Ta hã ma tô si'a'uwě, ti'ai ãma hã. Ta hã wa tô wa te 're wapari za'ra, ti'ai ãma 're morĩ ré, ĩsiré 're ĩwanomro mono norĩ hã. Wa tô duré wa te 're hãiba 'madâ'â u'âsi za'ra, watõmo na. Dâ'â pari, hãiwa'utu wa, wa tô duré wanhib'rata na hãiba upi za'ra ni. Ta hã 'Re ĩhãimana u'âsi mono mreme na ĩsisi hã, duré 're ĩdanomro mono zép té, te te dama 're ĩ'apisutu mono. ² Duréihã marĩ õ ré hã Wamama siré te 're hãimana u'âsi, ta hã. Tawamhã ma tô we datême sihãiré, sõ'awi ãma 're ĩdanhopré mono da hã. Wa norĩ hã wa tô wa te 're 'madâ'â za'ra. Taha wa, sena na wa aima wasu'u za'ra wa'aba ni, 're ĩdanomro u'âsi mono zé te te dama 're ĩ'apisutu mono hã. ³ E marĩ da, wa ãne aima rowasu'u za'ra wa'aba ni, wa te 're ĩ'madâ'â za'ra mono zém na hã, duré wa te 're ĩwapari za'ra mono zém na zama. Wamama siré 'rãwi 're ĩwahãimana za'ra mono ne, duré ĩ'ra siré Zezu Cristuhu siré 'rãwi 're ĩwahãimana za'ra mono ne, a norĩ wa'aba zama ĩsiré 're aihãimana za'ra wa'aba mono da, wa ãne aima waihu'u za'ra wa'aba ni. ⁴ Watoi uptabi zé hã wa te wasima 're 'masisi za'ra mono da, wa ãne aima ãma rob'ui'ééré za'ra wa'aba ni, ãma 're ĩwahãimana za'ra mono zéb da hã.

'Re ĩhãimana u'âsi mono, rowa'a u'âsi 're ĩhãimana mono zé wasu'u

⁵ Zezu Cristu hã ma tô Timama hã te te wama 're sadawa wasu'u za'ra. Taha nhimirowasu'u hã wa te 're ĩwapari za'ra mono zém na

wa oto aima rowasu'u za'ra wa'aba ni. E niha Timama hã te te wama 're ãsadawa wasu'u za'ra mono zé hã. ãne na wa tô wa te 're wapari za'ra: “Rowa'a wamhã, robra õ di. Tane, 'Re ãhãimana u'ãsi mono hã wẽ uptabi wa, marĩ ãwasédé hã ãma 're hãimana mono õ di.” ãne Timama hã te te wama 're ãsadawa wasu'u za'ra mono zé hã. **6** ãté wa za wawasété na 're wahãimana za'ra. Tawamhã, wawasété na 're wahãimana za'ra mono wamhã, robra u'ãsi wa za 're wahãimana za'ra, wapẽ'ẽ 'remhã. Tawamhã robra u'ãsi 're wahãimana za'ra mono nherẽ, 'Re ãhãimana u'ãsi mono siré, rãwi 're ãwahãimana za'ra mono na dama 're wasiwasu'u za'ra mono wamhã, wazadawa nhipese na wa za 're wahãimana za'ra, wapẽ'ẽ 're, robra u'ãsi 're wahãimana za'ra mono nherẽ. ãne wamhã, tô senai õ di, 're ãwahãimana za'ra mono zé hã. **7** Tane nherẽ, 'Re ãhãimana u'ãsi mono nhimiroti zarina 're wahãimana za'ra mono wamhã, rowa'a na 're ãhãimana mono ne, wa za duré wa norĩ hã rowa'a na 're wahãimana za'ra. Taha zarina, wa za duré rãwi wasiré ãma 're wahãimana za'ra, wasisawi pese sina. 'Re ãhãimana u'ãsi mono 'ra hã te za duré wawasédé hã te te wama 're apari tidã'ázém na Zezusi hã, wawasété ãna oto ãma 're wanomro mono da.

8 ãté wa za taré rãwi wasi'ãma wa te 're rosa'rata za'ra, ãne: “Wa norĩ hã wawasété ãna, wa 're wahãimana za'ra.” ãne wasi'ãma wa te 're rosa'rata za'ra mono wamhã, wa za rãwi wasima 're wazadawa nhipese za'ra, wawasété õ na wasina 're ãwawata za'ra mono na. 'Re ãhãimana u'ãsi mono nhimiroti hã tô sena uptabi hã wapẽ'ẽ 're, wama 're hãimana za'ra mono õ di, ãne wamhã. **9** Tane nherẽ, wawasédé hã wa te 're ãmanharĩ za'ra mono na 'Re ãhãimana u'ãsi mono ma, rãwi 're wasiwẽ'õ za'ra mono wamhã, te te dama 're ãaropisutu mono zéb zarina, te za te te wama ãma 're a'uwaimrami, te te wama ãma 're a'upai mono ãna. Tãma 're ãwasiwasu'u za'ra mono zéb zarina, wawasédé hã wa te 're ãmanharĩ za'ra mono hã te te wa'ãma 're ab'madã'ã mono õ di za oto. Te za te te wama 're apari, wawasédé hã. **10** Duréihã 'Re ãhãimana u'ãsi mono hã ma tô da'ãma waihu'u siro, uburé 're ãdahãimana wasété za'ra mono zém na hã. Taha wa, wa norĩ hã wawasété ãna 're ãwahãimana za'ra mono na dama 're wasiwasu'u za'ra mono wamhã, 'Re ãhãimana u'ãsi mono ãma, wa ãsadawa nhipe hã wa te ãma 're sa'ra za'ra. Tawamhã 'Re ãhãimana u'ãsi mono nhimiroti hã wapẽ'ẽ 'remhã, wama 're hãimana za'ra mono õ di za.

Zezu Cristu hã Timama ma, te te 're ãda'apawapto mono zé wasu'u

2 ¹ ãra norĩ, ãma asawi pese za'ra wa'aba norĩ hã, e marĩ da, wa ãne na aima rob'ui'ééré za'ra wa'wa. Aiwasété ãna ãma 're aihãimana za'ra wa'aba mono zéb da hã, wa ãne ãnhimi'ui'ééré na

ãma aipo're pu'u za'ra wa'wa. Tane nherẽ, aiwasédé hã 're 'manharĩ za'ra wa'aba mono wamhã, 're 'manharĩ za'ra wa'aba mono nherẽ, Zezu Cristu hã 're ãmorĩ wẽ uptabi hã te za ai'ãma 're sisaprĩ za'ra wa'wa, tinhimiroti wẽ na. Timama ma, te za ãne te te 're aiwasu'u za'ra wa'wa, Zezusi hã: “Ã norĩ hã, tiwasédé te te 're 'manharĩ za'ra mono wa, asiwi 're awẽ'õ mono õ di za. Wa hã wa tô i'upana sada ãdâ'ã za'ra, uburé iwasédé hã te tãma 're i'apari mono zéb da hã.” ãne te za Timama wi te te 're rowaptêrẽ, ai'upana za'ra wa'aba. ² Ta hã ma tô wazada dârâ, 'Re ãhâimana u'ãsi mono hã wawasédé hã te te wama 're i'apari mono zéb da hã. Tane nherẽ, wazada si dâ'ã õ di. Uburé da'udâna dawasédé hã da te 're i'manharĩ za'ra mono norĩ zada zama, ma tô dârâ, da'upana.

³ E niha, wa za tawamhã wasina waihu'u pese za'ra ni, 'rãwi ãsiré 're ãwahâimana za'ra mono na hã. 'Re ãhâimana u'ãsi mono nhimiroti hã wa te 're 'madâ'ã pese za'ra mono wapsi, wa za wasina wa te 're waihu'u za'ra, 'rãwi ãsiré 're ãwahâimana za'ra mono na. ⁴ ãté ni'wa hã te za ãne dama 're siwasu'u: “Wa hã, 'Re ãhâimana u'ãsi mono hâimanazé hã ãma waihu'u pese di.” Ta hã ãsimiroti hã te te 're 'madâ'ã pese mono õ nherẽ, te za taré dama 're siwasu'u, sadawa nhipese na. Duré 'Re ãhâimana u'ãsi mono nhimiroti hã tô sena uptabi hã ãpê'ẽ 're, tãma 're hâimana mono õ di. ⁵⁻⁶ Tane nherẽ, ni'wam norĩ hã 'Re ãhâimana u'ãsi mono nhimiroti si te te 're 'madâ'ã pese za'ra mono wamhã, 'Re ãhâimana u'ãsi mono te te 're ãda'azawi pese mono zém ne, 're ãsisawi pese za'ra mono zéb zô, ta norĩ wi tiwi 're rowaptâ'ã za'ra mono õ di za. Te za te te tãma ãma 're uwaimrami u'ãsi za'ra, 'Re ãhâimana u'ãsi mono ma. Duré ni'wam norĩ hã 'Re ãhâimana u'ãsi mono ãma 're ãhâimana za'ra mono na dama 're siwasu'u za'ra mono wamhã, e niha tawamhã, 're ãhâimana za'ra mono zé hã za. Zezu Cristu hã ti'ai ãma 're morĩ ré, 're ãhâimana wẽ mono zém ne, te za 're hâimana wẽ za'ra. ãne hã wa norĩ hã 're wahâimana za'ra mono wamhã, wa za sena na wa te wasina 're waihu'u pese za'ra, 'Re ãhâimana u'ãsi mono ãma si 're ãwahâimana za'ra mono zém na hã.

Duréi nherẽ, 'Re ãhâimana u'ãsi mono nhimiroti té wasu'u

⁷ ãsisãnawã norĩ, ãma asawi pese za'ra wa'aba norĩ hã, ãhãna 'Re ãhâimana u'ãsi mono te te dama ãrotizép tém na te ãma aima rob'ui'ére za'ra wa'aba õ di. 'Re ãsaze na'rata za'ra wa'aba mono zém hawi, aima 're ãhâimana za'ra wa'aba mono zém na, wa ãma aima rob'ui'ére za'ra wa'wa, za 're ãwasisawi pese za'ra mono zéb da na. Ta hã te 're ãwapari u'ãsi za'ra wa'aba mo. ⁸ 'Re ãhâimana u'ãsi mono te te dama ãrotizé hã ãhãna te ãma ãrob'ui'ére hã duréi nherẽ, ãhãna hã duré ãté oto. E marĩ wa. Cristu hã ti'ai ãma 're morĩ ré, ma

tô Timama nhimiroti zarina te te 're da'azawi pese, tô ôhõ zarina si. A norĩ wa'aba zama te duré ãsimiroti zarina 're aihâimana za'ra wa'aba mo, 're asisawi pese za'ra wa'aba mono sina. Taha wa, wa tô oto wa te 're waihu'u za'ra, duréi nherê, âhâna hã íté duré, Wamama nhimiroti hã, ôhõ si nherê. Zezusi hã ti'ai âma 're morĩ ré, ma tô te te dama 're rowasu'u, rowa'a na si 're danomro wê mono da, robra na si 're danomro wasété tã mono da, danhimiza'rese âna. Taha wa, te oto robra hã te te sina rosapari u'âsi. Îwa'râmi te rowa'a ãsa'êne hã te te sina rosa'ré, hâimo.

9 Até ni'wa hã dasiré ãsazei'wa newa te za taré âne dama 're siwasu'u: “Wa hã, 're ãmorĩ wê di. Rowa'a na si wa 're ãhâimana, 'Re ãhâimana u'âsi mono nhimiroti zarina.” Âne ni'wa hã dama 're siwasu'u mono nherê, ãsazei'wa norĩ te te 're a'ruiwapari mono wamhã, ta hã te zahadu robra na 're hâimana. 10 Ni'wa hã ãsazei'wa norĩ te te 're azawi pese mono wapsi, te za rowa'a na 're hâimana u'âsi, tipê'ê 're. Tawamhã rowa'a na si 're morĩ wamhã, 're si'marõpãrĩ mono õ di za tiwasété na, 'Re ãhâimana u'âsi mono nhimiroti zarina 're hâimana wê mono wa. 11 Tane nherê, ni'wa hã ãsazei'wa norĩ te te 're a'ruiwapari mono wamhã, ta hã te zahadu robra u'âsi siwa'ru 're hâimana, tipê'ê 're. Robra na datob'a ne siwa'ru 're ãdahâimana za'ra mono ne, te 're hâimana wasété.

12-14 Î'ra norĩ, ãma asawi pese za'ra wa'aba norĩ hã, 'Re ãhâimana u'âsi mono hã aiwasété 'wa hã te te ai'âma 're ab'madâ'â aba mono õ di oto, Zezusi hã dazada ãdâ'âzéb zarina. Duré Wamama hâimanazé hã aima waihu'u pese za'ra wa'aba di. Taha wa, wa aima âma rob'ui'ére za'ra wa'wa.

Îprédum norĩ, duréihã marĩ õ uptabi ré, 're ãhâimana mono siré 'râwi 're aihâimana za'ra wa'aba mono wa, wa duré aima rob'ui'ére za'ra wa'wa.

Duré ãpréduptém norĩ, Îwasété uptabi âma ai'uté za'ra wa'aba wa, wa aima rob'ui'ére za'ra wa'wa. Duré, 'Re ãhâimana u'âsi mono zadawa wasu'u zarina si asiptete na 're aihâimana za'ra wa'aba mono wa, wa oto âne aima âma rob'ui'ére za'ra wa'wa.

15-16 Ti'ai âma dapo're'õ u'âsi 're ãdanomro mono na, wa za oto aima rowasu'u za'ra wa'wa. Dawasété zô, da te dasima 're ãrob'ruiwapari u'âsi za'ra mono zé hã, Wamama tei õ di. Duré, datõmo na marĩ hã da te 're 'madâ'â za'ra mono wa, da te dasima 're ãruiwapari za'ra mono zé hã, Wamama tei õ di. Duré, danhimarĩ ahã wa, 'râwi dasina 're ãdawata za'ra mono zé hã, Wamama tei õ di. Duré, dahâimana pire na 'râwi dasina 're ãdawata za'ra mono zéb zama, Wamama tei õ di. Uburé marĩ hã ti'ai âma ãwasétére hã dapo're'õ u'âsi 're ãdanomro mono norĩ te hã.

Taha wa, ti'ai āma uburé 're ĩdahâimana wasété za'ra mono norĩ ne, aiwasété zô asima 're rob'ruiwapari za'ra wa'aba mono õ di za. Aiwasété zô asima 're rob'ruiwapari za'ra wa'aba mono wamhã, tô sena Wamama hã 're sawi waihu'u za'ra wa'aba mono õ di za.

17 Ti'ai āma uburé 're ĩdahâimana wasété za'ra mono zé hã ĩsi'utõrĩzéb u, āhãna hã te te sina rotété u'âsi, duré uburé marĩ ĩwasédé hã da te dasima 're ĩruiwapari za'ra mono zama. Zahadu wapsi te za ai'utõ, simisutu. Ni'wam norĩ hã 'Re ĩhâimana u'âsi mono nhimipisutuzém na si 're hâimana za'ra mono wapsi, ta norĩ si te za 're hâimana u'âsi za'ra, si'utõrĩ āna.

Cristuhu zada za 're ĩhâimana mono wasu'u

18 ĩ'ra norĩ, ĩma asawi pese za'ra wa'aba norĩ hã, ropsi'utõrĩzéb u hã romhuture di oto. Tame te za oto aibã ĩwasédé hã dama 're hâimana sõ'awi, Cristuhu zada 're ĩhâimana mono hã. Cristuhu newa te za ĩsimiroti hã da te 're wapari za'ra. Taha wasu'u hã ma tô 're ĩwapari u'âsi za'ra wa'aba mo. Tane nherẽ, te duré āhãna wanho'a 're hâimana za'ra ahã uptabi na, za Cristuhu zada dama 're ĩhâimana mono ne. Taha wa, wama waihu'u pese za'ra di oto, ropsi'utõrĩzéb u ĩromhuture na hã. 19 Ta norĩ hã ma tô aré wasiré 're si'rã'õtõ u'âsi, ĩwasu'uwẽ u. Wasiré uptabi 're hâimana za'ra mono õ nherẽ, ma tô aré wasiré 're hâimana za'ra. Wasiré uptabi, 're hâimana za'ra mono 'wa'âhã, te aré wasiré 're hâimana u'âsi za'ra, 'rãwi. Tane nherẽ, ma tô wahawi 're wairébé. Taha wa, wa tô wasina waihu'u za'ra ni oto, wasiré uptabi 're ĩhâimana za'ra mono õ na hã.

20 A norĩ wa'wa hã ma tô Zezusi hã 're ĩmorĩ wẽ uptabi hã te te 're aipisutu za'ra wa'wa, Timama pẽ'ezani hã te te aima 're sômri za'ra wa'aba mono da. Taha wa, ma tô oto Wamama nhimiroti tô sena uptabi hã aihãiba mono bâ ĩwaihu'u za'ra wa'wa. 21 E Wamama nhimiroti hã tô sena uptabi hã waihu'u za'ra wa'aba õ wa, wa āne āma aima rob'ui'éré za'ra wa'wa. Mare di. Āne wab õ di. ĩsimiroti hã waihu'u pese za'ra wa'aba wa, wa āne aima āma rob'ui'éré za'ra wa'wa. Duré 're ĩdazadawa nhipese za'ra mono zé hã 'Re ĩhâimana u'âsi mono nhimiroti tô sena uptabi hawib õ na hã waihu'u pese za'ra wa'aba wa, wa āne aima rob'ui'éré za'ra wa'wa.

22 E 'wam norĩ hã bété 're ĩsadawa nhipese za'ra mono hã. Ta norĩ hã te āne Zezusi hã te te dawĩ 're udã za'ra: "Zezusi hã Danho'reptui'wa da, 'Re ĩhâimana u'âsi mono te te ĩpisutu õ di." Ta norĩ hã sadawa nhipese uptabi na 're ĩhâimana za'ra mono. Ta norĩ hã te Cristuhu zada 're hâimana za'ra, te te dawĩ 're udã za'ra mono wa. ĩmama zada zama te duré 're hâimana za'ra, ta norĩ hã. 23 Ni'wam norĩ hã 'Re ĩhâimana u'âsi mono 'ra, te te dawĩ 're udã za'ra mono wamhã,

ta norĩ hã Ìmama siré 'râwi 're hâimana za'ra mono õ di. Ni'wam norĩ si, Zezusi hã Wamama hawi we ãmorĩ na te te 're ãsaze za'ra mono na tô sena dama 're ãsiwasu'u za'ra mono norĩ si, te Wamama siré 'râwi 're hâimana za'ra, rowẽ na.

24 Ma'ãpé, ãwasu'uwẽ hã 're ãsaze na'rata za'ra wa'aba mono zém hawi 're ãwapari za'ra wa'aba mono zém na si 're anomro u'ãsi aba mono. ãma 're anomro u'ãsi aba mono wapsi, te za duré 'Re ãhâimana u'ãsi mono 'ra ãma 're anomro aba mo, duré Ìmama ãma zama. 25 Cristu hã ma tô ãne wama ropisutu sirõmo za'ra, 're wadâ'â za'ra mono ãna, ã'rata 're ãwasi'ubumroi u'ãsi mono zéb da hã.

26 E 'wam norĩ ãma, wa aima rob'ui'ére za'ra wa'wa. Sadawa nhipese na taré te te aima 're ãroti za'ra wa'aba mono norĩ ãma, wa aima rob'ui'ére za'ra wa'wa. Ìsiniwĩ 're aipizari za'ra wa'aba mono da, te ta norĩ hã tinhimiroti tô senai õre na te te 're aipibui u'ãsi za'ra wa'wa. 27 Tane nherẽ, ma tô Cristu hã Timama pê'ezani hã te te aima 're sômri za'ra wa'wa. Taha ré, te oto ãré 're anomro u'ãsi aba mo. Aipê'ẽ 're, te aima 're hâimana u'ãsi za'ra wa'wa. Taha wa, roti aimawi zô asina 're asimipari za'ra wa'aba mono õ di za. Taha si te za uburé marĩ ãwẽ hã te te aima 're waihu'u za'ra wa'wa, 'Re ãhâimana u'ãsi mono pê'ezani hã. Tô sena uptabi, ãsimiroti hã. Taré te te aima 're roti za'ra wa'aba mono õ di. Taha wa, te za ãsimiroti si 're ãmadâ'â pese za'ra wa'aba mo. Cristuhu ãma si te za duré 're anomro u'ãsi aba mo.

28 Ì'ra norĩ, ãne wa za oto aima roti za'ra wa'wa. Zezusi hã apâ wei morĩ õ ré, ma'ãpé õhõ ãma si 're anomro u'ãsi aba mono, apâ za wei morĩ wa, tãma aipahi za'ra wa'aba tã da, duré rowazép te, tãma ai'rãpo za'ra wa'aba tã da. 29 Cristu hã 're ãmorĩ wẽ uptabi na hã aima waihu'u pese za'ra wa'aba di oto, marĩ na 're ãsiwasété mono õ na hã. Taha wa, ni'wam norĩ hã 'Re ãhâimana u'ãsi mono te te dama 're ãapisutu mono zéb zarina si 're nomro wẽ mono wamhã, tawapsi te za oto ãwaihu'u za'ra wa'wa, ta norĩ hã 'Re ãhâimana u'ãsi mono nhib'a'uwẽ, tô sena 're ãnomro mono na hã.

'Re ãhâimana u'ãsi mono 'ra norĩ 're ãhâimana za'ra mono zé wasu'u

3 1 Ma'ãpé, ãma aipo're pu'u za'ra wa'aba. Wamama hã 'Re ãhâimana u'ãsi mono hã, tô sena te te 're wa'azawi pese uptabi. Te te 're wa'azawi pese mono wa, te ti'ra na te te 're wa'anhisi. Taha wa, tô sena, wa oto ã'ra hã 're wahâimana za'ra, ãsazei'wai mono bâ. Dapo're'õ u'ãsi 're ãdanomro mono norĩ hã, Wamama hã te te siwi 're waihu'u za'ra mono õ wa, wa norĩ zama ã'ra na te te duré siwi 're wawaihu'u za'ra mono õ di, ta norĩ hã. 2 Ìsisãnawã norĩ, ãma asawi pese za'ra wa'aba norĩ hã, 'Re ãhâimana u'ãsi mono 'ra, wa oto 're

wahâimana za'ra. Tane nherẽ, za 're ïwahâimana za'ra mono zéb da hã, zahadu wama waihu'u prã za'ra di. Cristu hã apâ wei wazô morĩ wamhã, ïsine wa za oto 're wahâimana za'ra. ãhã si wama waihu'u pese za'ra di. E marĩ wa, wa za ïsine 're wahâimana za'ra. Tô sena Cristu hã 're ïhâimana mono zém na 'rãwi wa te oto wasiwi waihu'u za'ra wa, wa za ïsine 're wahâimana za'ra. ³ Õhõ zô rob'umnhasi sina, sô 're wanhimipari za'ra mono ré, wa za uburé marĩ ïwasédé hã wa te wasiwi 're wẽ'õ pese za'ra 'rãwi, ïwẽ na si 're wahâimana za'ra mono da. Cristu hã wasété ãna 're ïmorĩ ne, wa za 're wahâimana za'ra.

⁴ E marĩ tawamhã, 're ïdawasété za'ra mono zé hã. 'Re ïhâimana u'ãsi mono nhimiroti, da te dasiwi 're wẽ'õ pese za'ra mono wamhã, ta hã dawasédé. Taha wa, ni'wam norĩ hã 're wasété za'ra mono wamhã, ta norĩ hã 'Re ïhâimana u'ãsi mono nhimiroti te te siwi 're wẽ'õ za'ra, 'rãwi. ⁵ Tane nherẽ, Cristu hã ma tô we ti'ai u mo, dawasédé hã te te dama 're apari mono da. ã hã aima waihu'u pese za'ra wa'aba di. Ta hã 're ïmorĩ wasété õ, duré marĩ ïwasédé hã te te 're ï'ab'manharĩ mono õ. ⁶ Taha wa, ni'wam norĩ hã Cristuhu ãma si 're hâimana za'ra mono wamhã, ta norĩ hã 're hâimana wasété za'ra mono õ di. Tane nherẽ, ni'wam norĩ hã 're hâimana wasété u'ãsi za'ra mono wamhã, ta norĩ hã Zezusi hã Danho'reptui'wa na te te 're waihu'u za'ra mono õ di. Ta norĩ ma, Zezusi hã tãma waihu'u za'ra õ di tô.

⁷ Ìra norĩ, dahâimana wasété na 're ïdanomro mono na, da'ãma 're sasõmri za'ra wa'aba mono õ di za, danhimiroti senai'õ na dama 're ïhâimana za'ra mono na zama. Ma'ãpé 'rãwi asina 're asõpré pese aba mono. Ni'wam norĩ hã 're nomro wẽ mono wamhã, 'Re ïhâimana u'ãsi mono nhimiroti na sima ãma 're sipa za'ra mono õ wamhã, ta norĩ si 're hâimana wẽ za'ra mono di, Cristu hã 're ïmorĩ ne. ⁸ Wa'uburé hã, wa'rui'wa hã ropoto na'rata hawim haré, te tiwasédé hã te te 're ab'manharĩ u'ãsi. Taha wa, ni'wam norĩ hã tiwasédé te te 're 'manharĩ u'ãsi za'ra mono wamhã, ta norĩ hã Wa'uburé nhib'a'uwẽ te 're hâimana za'ra. Taha nhimromhuri wasédé hã te te tiwi pari da, ma tô 'Re ïhâimana u'ãsi mono 'ra hã we ti'ai u datême mo.

⁹ Ni'wam norĩ hã 'Re ïhâimana u'ãsi mono 'ra, 're hâimana za'ra mono wamhã, ta norĩ hã tiwasédé te te 're 'manharĩ u'ãsi za'ra mono õ di. Mare di. E marĩ wa. 'Re ïhâimana u'ãsi mono hã ïpẽ'ẽ 're, 're ïpoto téb za'ra mono zé hã te te tãma 're anhomri mono wa. Duré 'Re ïhâimana u'ãsi mono hã, ãma 're 'ra za'ra mono wa, tiwasédé hã õne u'ãsi te te 're 'manharĩ waihu'u za'ra mono õ di za. ¹⁰ E niha wa za bété waihu'u za'ra ni, 'Re ïhâimana u'ãsi mono 'ra norĩ hã, duré Wa'uburé 'ra norĩ hã. Ni'wam norĩ hã 're hâimana wẽ za'ra mono õ wamhã, duré te te 're dazawi pese za'ra mono õ

wamhã, ta norĩ hã 'Re ãhãmmana u'ãsi mono 'ra, 're nomro mono õ di. ãne na wa za ta norĩ hã Wa'uburé 'ra na waihu'u za'ra ni.

'Re ãdasisawi pese za'ra mono zém na roti wasu'u

11 Duréihã ãsãna'rata hawimhã, ma tô Zesusihi wasu'uwẽ hã 're ãwapari za'ra wa'aba mo, uburé 're ãwasisawi pese za'ra mono zém na hã. 12 Duréihã Ca'ĩ, tino te te ãruiwapari ne, 're wasi'ruiwapari za'ra mono õ di za. Ta hã ãwasété nhib'a'uwẽ te 're hãmmana, Wa'uburé nhib'a'uwẽ. Ta hã ma tô tino tãwĩ. E marĩ wa. ãno si 're hãmmana wẽ mono wa, 'Re ãhãmmana u'ãsi mono hã te te wẽsãmri 'ru te.

13 ãsãnawã norĩ, ãpo're'õ norĩ hã te za te te 're ai'ruiwapari za'ra wa'wa. Te te 're ai'ruiwapari za'ra wa'aba mono wa, ãté te za rãwi asima 're ãnharĩ za'ra wa'aba mo, ãne: "E marĩ wa, te õ norĩ hã te te 're ãruiwapari za'ra." ãne hã rãwi asima 're nharĩ za'ra wa'aba mono õ di za. Te za tô ãhãmmana wasété norĩ hã te te 're ai'ruiwapari za'ra wa'wa. ãne, wa aima waihu'u za'ra wa'wa, ãpo're'õ norĩ hã te te 're ai'ruiwapari za'ra wa'aba mono õ newa, rãwi asima 're nharĩ za'ra wa'aba mono tõ da. 14 Ni'wam norĩ hã te te 're dazawi pese za'ra mono õ wamhã, ta norĩ hã te dã'ã u'ãsi ne 're hãmmana za'ra, tip'ẽ 'remhã, 'Re ãhãmmana u'ãsi mono nhiti. Tanei õ di, wa norĩ hã wasiré ãsazei'wa norĩ hã. 'Re ãhãmmana u'ãsi mono nhiti, wap'ẽ 're aré wadã'ã u'ãsi ne 're wanomro mono nherẽ, wa tô ãhawi 're wawairébé, 'Re ãhãmmana u'ãsi mono niwĩ, rowẽ na oto 're wanomro u'ãsi mono da, wap'ẽ 'remhã. ãne, wa tô oto wasi'ãma waihu'u pese za'ra ni. 'Re wasisawi pese za'ra mono wa, wa ãne hã tô sena na wasi'ãma waihu'u pese za'ra ni. 15 Dapãrĩ'wa norĩ ma, 'Re ãhãmmana u'ãsi mono 'rata 're ãdahãmmana u'ãsi za'ra mono zé hã tãma 're hãmmana za'ra mono õ di. ãne hã aima waihu'u pese za'ra wa'aba di. Duré ni'wam norĩ hã te te 're da'ruiwapari za'ra mono wamhã, ta norĩ hã dapãrĩ'wa ne, te 'Re ãhãmmana u'ãsi mono ma hã 're hãmmana za'ra. Taha wa, wa te 're da'ruiwapari za'ra mono wamhã, 'Re ãhãmmana u'ãsi mono 'rata 're ãdahãmmana u'ãsi za'ra mono zé hã wama 're hãmmana za'ra mono õ di za, aiwa. 16 E niha wa za, 're ãdasisawi pese za'ra mono zé hã waihu'u pese za'ra ni. ãne wa za waihu'u pese za'ra ni. Cristu hã te te 're wa'azawi pese mono wa, ma tô sisawi ãna wazada dãrã. Taha zarina wa za duré wa norĩ hã 're wasipawaptob za'ra, 're wasisõ'reptu za'ra mono da. 'Re wadã'ã za'ra mono da nherẽ, wa za tô 're wasipawaptob za'ra, 're wasihãiba zawi za'ra mono ãna. ãne 're ãdasisawi pese za'ra mono zé hã za oto. 17 Ni'wam norĩ hã marĩ, tãma 're hãmmana za'ra mono nherẽ, marĩ zõ dawi 're ãro'wanhi'rity za'ra mono na te te 're dawaihu'u za'ra mono nherẽ, da'ãma 're pẽ'ézé za'ra mono õ

wamhã, e ta norĩ hã 'Re ìhâimana u'âsi mono nhimizawi pese zéb ré te 're hâimana za'ra. Mare di. 'Re ìhâimana u'âsi mono nhimizawi pese zé hã te te 're waihu'u za'ra mono õ di, ta norĩ hã. 18 Ì'ra norĩ, e wazadawa na si wa za wa te 're dazawi wapti za'ra. Mare di. Wamreme na si wa te 're dazawi wapti za'ra mono õ di za. Uburé wa za marĩ ìwě na wa te 're dapawaptob za'ra, wanhimizawizé hã tô sena na.

'Re ìhâimana u'âsi mono nho'a, dasina dahâtâ'â ãna 're ìdanomro mono zé wasu'u

19 Òhõ na si 're wahâimana za'ra mono wamhã, 'Re ìhâimana u'âsi mono 'ra, 're ìwanomro mono na wa za wasina waihu'u pese za'ra ni, roti tô sena uptabi na si 're ìwanomro mono na. Duré ìsõ'a 're wahâimana za'ra mono nherě, 'râwi wasina 're wahâtâ'â za'ra mono tõ da, te za wapě hã wama 're siwaihu'u u'âsi za'ra, wapě hã ì're wama 're simi'wara mono da. 20 'Re ìhâimana u'âsi mono ma hã, uburé marĩ hã tãma waihu'u pese uptabi di. Wa norĩ hã marĩ hã wapě'ě na 'râwi wa te 're ìwaihu'u za'ra mono zém nhipai u, uburé marĩ hã tãma waihu'u pese uptabi di. Taha wa, 'Re ìhâimana u'âsi mono 'ra, 're ìwahâimana za'ra mono na 'râwi wapě'ě na 're wasiwawã za'ra mono nherě, te za 'Re ìhâimana u'âsi mono hã wa'ãma 're po're pu'u u'âsi, taha ma uburé marĩ hã tãma waihu'u pese uptabi wa. Wa'ãma 're pẽ'ézé uptabi mono wa, te za wapě hã ì're wama 're simi'wara, ì'ra 're ìwahâimana za'ra mono na, 're wasiwawã za'ra mono õ wamhã. 21 Ìsisãnawã norĩ, ìma asawi pese za'ra wa'aba norĩ hã, wa norĩ hã tô sena 're wahâimana wě za'ra mono wamhã, tawamhã, 'Re ìhâimana u'âsi mono nhib'a'uwě 're ìwahâimana za'ra mono na 'râwi 're wasiwawã za'ra mono õ di za. ãne wamhã, 'Re ìhâimana u'âsi mono ma, wasina 're wapahi za'ra mono õ di za. Wasina wahâtâ'â ãna, wa za tãma 're wamreme zusi u'âsi, ìsõ'a. 22 Duré, ìsimiroti hã wa te 're 'madâ'â pese za'ra mono wamhã, te te wama 're ì'awě mono zéb uwaibaba si 're wahâimana za'ra mono wamhã, wa te tiwi 're ìrowaptěre za'ra mono zéb uwaibaba si, te za uburé marĩ hã ìwě hã te te wama 're anhomri.

23 E niha tawamhã, 'Re ìhâimana u'âsi mono nhimiroti hã, wa te 're ì'madâ'â pese za'ra mono zéb da hã. ãne ìsimiroti hã. Ì'ra Zezu Cristu, wa za wa te wasina 're umnhasi za'ra, Danho'reptui'wa na. Duré te te wama 're ìroti za'ra mono zéb zarina si, wa za 're wasisawi pese za'ra. ãne ìsimiroti hã. 24 Ni'wam norĩ hã 'Re ìhâimana u'âsi mono nhimiroti te te 're 'madâ'â pese za'ra mono wamhã, tô sena te ta norĩ hã ãma 're hâimana za'ra, 'Re ìhâimana u'âsi mono ãma. Ta hã te duré ì'rata 're sãmra u'âsi za'ra, 'râwi. E niha wa za tawamhã, wasina waihu'u pese za'ra ni, 'Re ìhâimana

u'âsi mono, wa'rata 're ãsãmra u'âsi mono zém na hã. Ta hã ma tô Tipê'êzani hã te te wama 're anhomri, wapê'ê 're, 're sãmra mono da, uburé marĩ hã te te wama 're awaihu'u mono da. Taha na wa za wasina waihu'u za'ra ni, wa'rata 're ãsãmra mono na, 'Re ãhãmmana u'âsi mono hã.

'Re ãhãmmana u'âsi mono nhimiroti upana, dama rowasu'u nhipese'wa norĩ wasu'u

4 ¹ ãsisãnawã norĩ, ãma asawi pese za'ra wa'aba norĩ hã, áté ni'wam norĩ hã te za ãne aima 're siwasu'u za'ra wa'wa: “'Re ãhãmmana u'âsi mono hã ma tô Tipê'êzani hã te te wama 're anhomri. ãpê'êzani te te wama 're ã'waihu'u mono zéb zarina si, wa tô wa te dama 're sadawa wasu'u za'ra.” ãne ni'wam norĩ hã aima 're siwasu'u za'ra wa'aba mono nherê, ãsimirowasu'u na 're saze su'u za'ra wa'aba mono ô di za, a'ã. ãhãna hã 'Re ãhãmmana u'âsi mono zadawa wasu'u uptabi 'wa newa, roti tô senai'ô na te te dama 're ãroti za'ra mono norĩ hã ahã uptabi di oto. Daro mono bâ te dawazari 're hãmmana za'ra. Taha wa, te za uburé roti hã tô sena zô 're ãpibui u'âsi za'ra wa'aba mo, 'Re ãhãmmana u'âsi mono pê'êzani hawib zô si. ² E niha te za tawamhã ãwaihu'u pese za'ra wa'wa, ni'wam norĩ hã 'Re ãhãmmana u'âsi mono pê'êzani ré sena na te te dama 're ãsadawa wasu'u za'ra mono na hã. Áté ni'wam norĩ hã te za ãne sena na aima 're siwasu'u za'ra wa'wa, 'rãwi tipê'ê hawim na te te 're ãrosa'rata za'ra mono hã: “Zezusi hã ta hã Cristu, tô sena Danho'reptui'wa da, 'Re ãhãmmana u'âsi mono te te ãpisudu. Ta hã ti'ai ãma dawazari poto wa, ma tô si'a'uwê.” ãne aima 're siwasu'u za'ra wa'aba mono wamhã, tô sena na te za ãma 're ãwaihu'u za'ra wa'aba mo oto, 'Re ãhãmmana u'âsi mono zadawa wasu'u uptabi 'wa na, duré ãpê'êzani ré 're ãhãmmana za'ra mono na zama. ³ Tane nherê, ni'wam norĩ hã Zezusi hã Danho'reptui'wa da, ti'ai ãma dawazari ãsi'a'uwê na te te dawi 're udã za'ra mono wamhã, ta norĩ hã 'Re ãhãmmana u'âsi mono pê'êzani ré 're hãmmana za'ra mono ô di, tô sena. Zezusihi zada, 're ãhãmmana mono nhimirosa'rata zarina si te te 're rosa'rata za'ra, tipê'ê na hã. Ma tô ãwaihu'u sirômo za'ra wa'wa, Zezusihi zada, 're ãhãmmana mono nhimiroti wasété na, za daro mono bâ dasima da te ãma 're ãropéi mono na. ãhãna ãsôwam nherê, te ãsimiroti wasété na 're dahãmmana za'ra duré.

⁴ ãra norĩ, a norĩ wa'aba si te oto 'Re ãhãmmana u'âsi mono nhib'a'uwê 're aihãmmana za'ra wa'aba mo. 'Re ãhãmmana u'âsi mono zadawa wasu'u uptabi 'wa newa, tô senai'ô na te te dama 're ãroti za'ra mono norĩ da, ma tô asiptete sina 're aihãmmana za'ra wa'aba mo, asimirosa'rata na. E marĩ wa. Aipê'ê 're, 're ãsãmra za'ra wa'aba mono hã, Wa'uburé ma tiwaihu'u pese na siptete uptabi wa, ti'ai

ãma dawada'uri wasété 'wai ma. ⁵ Ta norĩ hã 'Re ìhâimana u'âsi mono zadawa wasu'u uptabi ò 'wa norĩ hã, te 'Re ìhâimana u'âsi mono wê'ò'wa norĩ me 're hâimana za'ra. Taha wa, te 'Re ìhâimana u'âsi mono wê'ò'wa norĩ nhimirosa'rata wasété zarina si te te tãma 're rowasu'u za'ra, ta norĩ hã. Taha na si te te tãma 're rowasu'u za'ra mono wamhã, wapari ze ti, ìsimiroti wasété za'ra hã, 'Re ìhâimana u'âsi mono wê'ò'wa norĩ ma hã. ⁶ Wa norĩ hã 'Re ìhâimana u'âsi mono nhib'a'uwê, wa oto 're wanomro. Ni'wam norĩ hã 'Re ìhâimana u'âsi mono hâimanazé hã 'râwi te te 're ìwaihu'u za'ra mono hã, ta norĩ si te te 're wawapari za'ra. Tane nherê, 'Re ìhâimana u'âsi mono nhib'a'uwê'ò, 're ìnomro mono norĩ hã te te 're wawapari za'ra mono ò di, 'Re ìhâimana u'âsi mono wasu'u na hã. Taha wa, ni'wam norĩ hã 'Re ìhâimana u'âsi mono wasu'u na te te 're wawapari za'ra mono ò wamhã, wa za wasina waihu'u pese za'ra ni, Wa'uburé hawi roti tô senai ò zarina 're ìhâimana za'ra mono na. Duré ni'wam norĩ hã 'Re ìhâimana u'âsi mono wasu'u na te te 're wawapari ze za'ra mono wamhã, wa za duré wasina waihu'u pese za'ra ni, 'Re ìhâimana u'âsi mono pê'êzani hawi roti sena uptabi zarina 're ìhâimana za'ra mono na hã.

'Re ìhâimana u'âsi mono nhimizawi pese zé wasu'u

⁷ Ìsisânawã norĩ, 're ìdasisawi pese za'ra mono zé hã 'Re ìhâimana u'âsi mono te wa, wa za ãma 're wasisawi pese uptabi za'ra. Ni'wam norĩ hã te te 're dazawi pese za'ra mono wamhã, ta norĩ hã 'Re ìhâimana u'âsi mono 'ra, te oto 're hâimana za'ra. 'Râwi te duré te te 're waihu'u pese za'ra, 'Re ìhâimana u'âsi mono hâimanazé hã. ⁸ 'Re ìhâimana u'âsi mono hã, simizawi pese uptabi di. Tinhimizawi zarina te uburé marĩ hã te te dama 're ab'manharĩ u'âsi. Taha wa, ni'wam norĩ hã te te 're dazawi pese za'ra mono ò wamhã, 'Re ìhâimana u'âsi mono siré 'râwi 're nomro mono ò di, ta norĩ hã. ⁹ 'Re ìhâimana u'âsi mono hã ma tô tinhimizawi pese zé hã wama waihu'u za'ra. E niha ma tô wama waihu'u za'ra. Ti'ra hã misi nherê, ma tô we satõ ti'ai u, taha ãma si rowê na 're wanomro u'âsi mono da. ¹⁰ Wa norĩ hã 'Re ìhâimana u'âsi mono, wama sawi pese za'ra di. Tane nherê, te taha nhipai u te te 're wa'azawi pese uptabi. Taha wa, ma tô ti'ra we satõ ti'ai u, wazada dâ'â da, wazada dâ'â wa, wawasété na te te oto 're wa'ab'madâ'â tã mono da. Tô sena ìsimizawi pese zé hã siwaprosi te tãma 're hâimana, danhipai u.

¹¹ Ìsisânawã norĩ, 'Re ìhâimana u'âsi mono hã ãne hã te te 're wa'azawi pese mono wa, wa za wa norĩ zama taha zarina 're wasisawi pese za'ra, ìsine. ¹² 'Re ìhâimana u'âsi mono hã ni'wa titômo na te te 'madâ'â ò di. Tane nherê, 're wasisawi pese za'ra mono wamhã, 'Re ìhâimana u'âsi mono hã te za wa'rata 're sãmra u'âsi, 'râwi. Te te

're ãwa'azawi pese mono zé hã wa za duré wa te wasina ãma 're uwaimrami u'âsi za'ra. ¹³ E niha wa za wasina waihu'u pese za'ra ni, 'Re ãhãimana u'âsi mono ãma si 're ãwanomro mono na, duré ôhõ si wa'rata 're ãsãmra u'âsi mono na. 'Re ãhãimana u'âsi mono hã ma tô Tipẽ'ezani hã te te wama 're anhomri. Taha na wa za wa te wasina 're waihu'u pese za'ra. ¹⁴ Wamama hã ma tô ti'ra hã we satõ, Danho'reptui'wa da. Ta hã wa tô wa te 're 'madã'ã za'ra, watõmo na. ãhãna wa oto wa te dama 're wasu'u za'ra, Danho'reptui'wa na, ã'ra hã. ¹⁵ Até ni'wam norĩ hã te za ãne te te dama 're wasu'u za'ra: "Zezusi hã 'Re ãhãimana u'âsi mono 'ra. Ta hã ma tô 'Re ãhãimana u'âsi mono hã we ti'ai u satõ, Danho'reptui'wa da." ãne na ni'wam norĩ hã te te dama 're wasu'u za'ra mono wamhã, ta norĩ 'ratap si te 'Re ãhãimana u'âsi mono hã 're hãimana, 'rãwi. Ta norĩ si te 'Re ãhãimana u'âsi mono siré 're hãimana u'âsi za'ra, 'rãwi.

¹⁶ 'Re ãhãimana u'âsi mono hã simizawi pese uptabi di. Tane ni'wam norĩ hã te te 're dazawi pese za'ra mono wamhã, ta norĩ si te 'Re ãhãimana u'âsi mono ãma 're hãimana za'ra, 'rãwi. Ta norĩ 'ratap si te 'Re ãhãimana u'âsi mono hã 're sãmra, 'rãwi. 'Re ãhãimana u'âsi mono te te 're ãwa'azawi pese mono zé hã wama waihu'u pese za'ra di oto. Taha na wa te wasiwi ãma 're wawã za'ra mono õ di oto. ¹⁷ Niwapsi te za Zezusi hã dahãimanazém na da'awaihu'u, za te te da'ãma ãarowairébézéb ãma hã. Tawamhã 're ãhãimana wasété za'ra mono norĩ si te za hã za'ra oto. Cristu hã ti'ai ãma 're morĩ ré, sihãiba zawi ãna te te 're ãdazawi pese mono ne, ti'ab ré 're wasisawi pese za'ra mono wamhã, tawapsi, wasina wapahi za'ra õ di za, za da'ãma ãsipo'ozéb ãma hã oto. 'Re ãhãimana u'âsi mono te te 're ãwa'azawi pese mono zé hã wa te tãma ãma 're uwaimrami u'âsi za'ra mono wa, wa za wasina wapahi ãna ãsõ'a wahãimana za'ra ni. ¹⁸ 'Re ãhãimana u'âsi mono ma, tãma wazawi pese za'ra nherẽ, wasina 're wapahi za'ra mono õ di za oto. Te te 're ãwa'azawi pese mono zé hã te te wama ãma 're a'uwaimrami u'âsi mono nherẽ, tãma 're wapẽ'ewara waihu'u za'ra mono õ di za oto. Tane nherẽ, ni'wam norĩ hã sina pahi na 're hãimana za'ra mono wamhã, tawamhã, te te 're ãsawi pese za'ra mono zém na te te tãma ãma 're uwaimrami za'ra mono õ di za, 'Re ãhãimana u'âsi mono ma. Ta norĩ hã sina pahi u'âsi 're hãimana za'ra mono wa, te za romhã ré robzei'õ na 're hãimana za'ra ti'ab ré, 'Re ãhãimana u'âsi mono hã za da'ãma ãsipo'ozéb ãma te te da'ahã za'ra wa, da te 're ãrobzépata za'ra mono ne.

¹⁹ 'Re ãhãimana u'âsi mono hã ãmorĩ'rata na te te 're wa'azawi pese mono wa, wa duré wa norĩ hã wa te wasiwi 're sawi pese za'ra, asa. Taha wa, wa duré 're wasisawi pese za'ra. ²⁰ Até ni'wam norĩ hã te za taré ãne dama 're siwasu'u za'ra: "Re ãhãimana u'âsi mono

hã wa wa te 're sawi pese za'ra.” ãne dama 're siwasu'u za'ra mono nherẽ, te te 're da'ruiwapari u'âsi za'ra mono wamhã, sadawa nhipese na te ta norĩ hã 're hâimana za'ra. Titõmo na 'râwi te te 're ĩ'madâ'â za'ra mono norĩ hã te te 're sawi pese za'ra mono õ nherẽ, e niha te za tawamhã 'Re ĩhâimana u'âsi mono hã dahâiba u'âbâ te te siwi 're sawi pese, titõmo na te te siwi 're 'madâ'â mono õ nherẽ. ãne wamhã, tâma sawi waihu'u za'ra õ di, ta norĩ ma hã. ²¹ Zezusi hã ma tô ãne te te wama 're roti za'ra: “Ni'wam norĩ hã 'Re ĩhâimana u'âsi mono te te siwi 're sawi pese za'ra mono wamhã, taha zarina te za duré te te 're dazawi pese za'ra.” ãne ĩsimiroti hã, wama za'ra hã.

**Īsazei'wa norĩ hã siptete sina dawĩ 're ĩhâimana za'ra
mono zé wasu'u**

5 ¹ Ni'wam norĩ hã, Zezu Cristu, Danho'reptui'wa da, 'Re ĩhâimana u'âsi mono te te ĩpisutu na te te 're sazei pese za'ra mono wamhã, ta norĩ si te 'Re ĩhâimana u'âsi mono 'ra, 're hâimana za'ra. Ni'wa hã aibâ hã wama sawi pese za'ra wamhã, taha u'âbâ, wa duré ĩ'ra norĩ hã wa te 're sawi pese za'ra. ² Taha zarina wa za duré ãne hã waihu'u za'ra ni: 'Re ĩhâimana u'âsi mono hã wama sawi pese za'ra wamhã, duré ĩsimiroti hã wa te 're 'madâ'â pese za'ra mono wamhã, taha u'âbâ, wa za ĩ'ra hã tô sena 're wasisawi pese za'ra, wasiré ĩsazei'wa norĩ hã. ³⁻⁴ Tawamhã 'Re ĩhâimana u'âsi mono hã wa te wasiwi 're sawi pese za'ra mono wamhã, e niha wa za tawamhã 're wahâimana za'ra. ĩsimiroti si wa za wa te 're 'madâ'â pese za'ra. E ĩsimiroti hã wama pire za'ra di, wa te 're ĩ'madâ'â pese za'ra mono zéb da hã. Mare di. 'Re ĩhâimana u'âsi mono 'ra, oto 're wanomro mono wa, wama waihu'u pese za'ra di, wa te tâma ãma 're ĩuwaimrami za'ra mono zéb da hã. Taha wa, wanhiptete na wa za 'Re ĩhâimana u'âsi mono wẽ'õ'wa norĩ da, 're wahâimana za'ra, uburé marĩ ĩwasédé hã ti'ai ãma 're ĩhâimana za'ra mono wi. E niha wa za wanhiptete sina ãma 're wahâimana za'ra. Zezusi hã Wanho'reptui'wa na wa te wasina 're ĩ'umnhasi pese za'ra mono zém na wa za wanhiptete sina dawĩ 're wahâimana za'ra. ⁵ E 'wam norĩ hã te za tawamhã 'Re ĩhâimana u'âsi mono wẽ'õ'wa norĩ zada hã, siptete sina 're hâimana za'ra. Zezusi hã, 'Re ĩhâimana u'âsi mono 'ra na te te 're ĩsaze za'ra mono norĩ si, te za sada 're hâimana u'âsi za'ra, 'Re ĩhâimana u'âsi mono wẽ'õ'wa norĩ zada hã.

**Cristu hã a'uwẽ hâiba na dasiré ĩpoto na tô sena na da te 're
ĩwaihu'u za'ra mono zé wasu'u**

⁶⁻⁸ Zezu Cristu hã ti'ai u wei morĩ wamhã, a'uwẽ hâiba na ma tô podo. E niha wa za tawamhã wasiwi waihu'u pese za'ra ni, sena na Zezusi hã a'uwẽ hâiba na ĩpoto na, duré ti'ai ãma a'uwẽ hâiba na 're

ĩmorĩ na. Si'ubdatõ iwaihu'uzé hã. Ĩmorĩ'rata na iwaihu'uzé hã ãne: Ti'ai ãma poto wamhã, â na ma podo, tina dub're hawi, dasine. Duré maparane ãma iwaihu'uzéb da hã ãne: Ô hã dâ'â wamhã, ĩwapru hã ma tô tiwi puru, da te dasiwi ĩwa'rézéb ãma hã. Taha na wa za wasiwi waihu'u pese za'ra ni, a'uwẽ hãiba na 're ĩmorízém na. Duré si'ubdatõ ãma iwaihu'uzéb da hã ãne: 'Re ĩhâimana u'âsi mono pẽ'êzani, tô sena na si te te wama 're ĩ'awaihu'u mono zém na, wa za duré wa te ãma 're waihu'u pese za'ra. Ta hã te sadawa nhipese ãna 're hâimana u'âsi. Tô sena uptabi na si ĩsimiroti hã. Â na ĩpotozé wasu'u hã, duré dâ'â wa, ĩwapru tiwi ĩpu'uzé wasu'u hã, duré 'Re ĩhâimana u'âsi mono pẽ'êzani nhimirowasu'u hã, ã norĩ waihu'uzém na marĩ aimawi na wa te ãma 're waihu'u za'ra mono õ di. Āhã wasu'u si wa tô upsâtã pese na wasiwi waihu'u pese za'ra ni, Zezusi hã a'uwẽ hãiba na ĩpotozé wasu'u si. ⁹ Marĩ na tô sena na da te wama 're rowasu'u za'ra mono wamhã, wa za tô wa te ãma 're saze za'ra. Tawamhã, 'Re ĩhâimana u'âsi mono hã marĩ hã te te wama 're awaihu'u mono wamhã, e wa te ãma 're saze za'ra mono õ di za. Da te wama 're ĩrowasu'u za'ra mono zém nhipai u hã, wa za tô wa te ãma 're sazei pese za'ra, simiroti pire uptabi wa, 'Re ĩhâimana u'âsi mono hã. E niha tawamhã ma tô wama waihu'u za'ra. Zezusi hã tô sena, ti'ra uptabi na ma tô wama waihu'u za'ra. Taha wa, tô sena wa, wa za wa te ãma 're sazei pese za'ra, õne haré. ¹⁰ Ni'wam norĩ hã, Zezusi, 'Re ĩhâimana u'âsi mono 'ra hã te te sina 're umnhasi za'ra mono wamhã, ta norĩ si te za tip'ẽ na sena na te te 're waihu'u za'ra, â na ĩpotozé wasu'u na, duré ĩwapru, tiwi ĩpu'uzé wasu'u na. 'Re ĩhâimana u'âsi mono pẽ'êzani te te tãma 're ĩ'awaihu'u mono zéb zarina si, te za sena na te te 're waihu'u za'ra, a'uwẽ hãiba na ĩpoto na, Zezusi hã. Tane nherẽ, ti'ra na Zezusi te te dama 're ĩwaihu'u mono zém na, ni'wam norĩ hã 'Re ĩhâimana u'âsi mono hã te te ãma 're saze za'ra mono õ wamhã, ĩsadawa nhipe hã te te ãma 're sa'ra za'ra, ta norĩ hã. ¹¹ E niha 'Re ĩhâimana u'âsi mono hã, ti'ra te te dama 're ĩwaihu'u mono zé hã. Ta hã ma tô te te wama 're apisutu, ĩ'ra wazada ĩdâ'ázém na ãma 're ĩwanomro u'âsi mono zéb da hã. ¹² Ni'wam norĩ hã 'Re ĩhâimana u'âsi mono 'ra siré, 'rãwi 're nomro mono wamhã, ta norĩ hã te za dâ'â ãna 're hâimana u'âsi za'ra, 'Re ĩhâimana u'âsi mono 'rata. Tane nherẽ, ni'wam norĩ hã 'Re ĩhâimana u'âsi mono 'ra siré 're nomro mono õ wamhã, ta norĩ hã ĩ'rata dâ'â ãna 're hâimana u'âsi za'ra mono õ di za.

**'Re ĩdanomro u'âsi mono zé, da te dasina 're ĩuwaimrami
za'ra mono zé wasu'u**

¹³ E marĩ da, wa ãne aima rob'ui'éré za'ra wa'wa, 'Re ĩhâimana u'âsi mono 'ra, asina 're ĩ'umnhasi za'ra wa'aba mono norĩ ma.

Aipě'ě 're, atââ ãna 're anomro u'âsi aba mono zém na sena na asina waihu'u pese za'ra wa'aba da, wa ãne aima rob'ui'ére za'ra wa'wa. ¹⁴ 'Re ìhâimana u'âsi mono te te wama 're ì'awě mono zéb uwaibaba si, uburé marĩ na wa te tiwi 're rowaptěre za'ra mono wamhã, tô sena te za wamreme hã te te 're awapari pese, te te wama ãma 're ì'a'uwaimrami mono zéb da hã. Taha wa, wasina wahâtââ ãna, wa za 'râwi wapě'ě 're ìtème 're wasihutu, 'Re ìhâimana u'âsi mono u hã. ¹⁵ Uburé marĩ na wa te tiwi 're ìrowaptěre za'ra mono zém na te wa'ama 're po're pu'u u'âsi, wamreme na. Tô sena na, wa tô ãne na waihu'u za'ra ni. Taha zarina wa duré wasina waihu'u pese za'ra ni, za te te wama ãma 're ì'a'uwaimrami mono zém na hã.

¹⁶⁻¹⁷ Uburé da te 're ì'manharĩ wasété za'ra mono zé hã, dawasédé tô, simisutu. Tane nherě, ni'wam norĩ hã tiwasédé hã te te 're 'manharĩ za'ra mono nherě, 'Re ìhâimana u'âsi mono nhimiroti u tiwasété wi oto 're sipizari za'ra mono wamhã, ô hã te te ãma 're ab'madâ'â mono ô di za oto. Tawamhã 'Re ìhâimana u'âsi mono 'rata 're ìdanomro u'âsi mono zé hã, tiwi 're simani za'ra mono ô di za oto.

Tawamhã ni'wam norĩ hã ìwasédé hã ãne na te te 're 'manharĩ za'ra mono wamhã, duré ìwasété na waihu'u za'ra wa'aba wamhã, te za ãma 're aimreme zusi aba mo, 'Re ìhâimana u'âsi mono ma, ìpě'ě 're, dâ'â ãna 're ìhâimana u'âsi za'ra mono zé hã te te tãma 're apisutu mono da oto.

Tane nherě, ni'wam norĩ hã tiwasété wi 're ìsipizari za'ra mono zéb zô, 'Re ìhâimana u'âsi mono pě'ězani te te tãma 're ìroti za'ra mono zé hã te te 're wapari za'ra mono ô wamhã, 'Re ìhâimana u'âsi mono hã te za ìwasédé hã te te ãma 're ab'madâ'â u'âsi. 'Re ìhâimana u'âsi mono 'rata 're ìdanomro u'âsi mono zé hã te te sina 're uwaimrami za'ra mono ô di za. Tiwasété wi 're sipizari za'ra mono ô nherě, e niha te za 'Re ìhâimana u'âsi mono hã ãma 're siwamri za'ra, te te 're ìsõ'reptu za'ra mono zéb da hã. Taha wa, ta norĩ ãma hã te ãma aima roti za'ra wa'aba ô di za, ãma 're aimreme zusi aba mono zéb da hã.

¹⁸ Ni'wam norĩ hã 'Re ìhâimana u'âsi mono hã ãma 're 'ra za'ra mono wa, ìsib'a'uwě oto 're nomro wě mono wamhã, tiwasédé te te oto 're 'manharĩ u'âsi za'ra mono ô di. 'Re ìhâimana u'âsi mono 'ra hã, Zezusi hã oto ãma 're sisaprĩ u'âsi za'ra mono wa, tiwasédé hã te te 're 'manharĩ waihu'u za'ra mono ô di oto. Taha wa, ìwasété uptabi hã te te oto 're upi waihu'u za'ra mono ô di za, Wa'uburé hã. Æne hã wama waihu'u pese za'ra di oto.

¹⁹ Ti'ai ãma uburé 'Re ìhâimana u'âsi mono wě'õ'wa norĩ hã ìwasété uptabi zadawa para te 're hâimana za'ra. Wa norĩ si 'Re

ĩhâimana u'âsi mono nhib'a'uwẽ, wa 're wanomro. ãne hã wama waihu'u pese za'ra di duré.

20 ãne wa tô duré waihu'u za'ra ni. Zezusi hã, 'Re ĩhâimana u'âsi mono 'ra hã ma tô wei mo, ti'ai u. Ta hã ma tô tinhimiroti na te te 're wa'apawapto, 'Re ĩhâimana u'âsi mono hã tô sena uptabi hã wa te 're ĩwaihu'u pese za'ra mono zéb da hã. Ĩ'ra ãma, Zezu Cristuhu ãma 're wanomro mono wa, wa duré Ĩmama ãma 're wanomro, tô sena uptabi ãma. Zezusi hã, ta hã uburé Danhib'apito uptabi. Ta hã dapẽẽ 're dadâ'â ãna 're ĩdanomro u'âsi mono zé hã, te te dama 're ĩ'apisutu mono. ãne na wa tô wasiwi waihu'u pese za'ra ni.

21 Ĩ'ra norĩ, ĩma asawi pese za'ra wa'aba norĩ hã, 'Re ĩhâimana u'âsi mono upana waihu'u pese newa, marĩ na 're ĩdawata za'ra mono norĩ wi, te za 're asi'madâ'â pese za'ra wa'aba mo, 'râwi da'ãma 're sasõmri za'ra wa'aba mono tã da.